

Jo Ho Chuka Hai Jo Hoga Huzur Jante Hen Naat Lyrics

HUZOOR JANTE HAIN LYRICS

Jo Ho Chuka Hai Jo Hoga, Huzoor Jante Hain,
Teri Aata Say Khudaya, Huzoor Jaante Hain.

Khuda Ko Dekha Nahin Aur Eik Maan Liya,
Ke Jantay Thay Sahaba, Huzoor Jantay Hein.

Munafiqoon Ka Aqeeda Woh Gaibdaan Nahin,
Aur Sahabiyoon Ka Aqeeda, Huzoor Jantay Hain.

Aie Ilm E Ghaib Kay Munkir Khuda Ko Dekha Hai?
Aur Tujhay Bhi Kehna Padega, Huzoor Jante Hain.

Khabar Bhi Hai? Ke Khabar Sabki Hai Unhein Kab Say,
Ke Jab Na Ab Tha Na Kab Tha, Huzoor Jante Hain.

Kai Unke Haath Mein Kya Kya Tujhe Khabar Na Mujhe,
Khuda Nay Kitna Nawaza, Huzoor Jante Hain.

Woh Mominoon Ki To Janoon Say Bhi Kareeb Huye,

Kahan Say Kisnay Pukara, Huzoor Jante Hain.

Isiliye To Sulaya Hai Apne Pehlu Mein,
Ke Yaar E Ghar Ka Rutba, Huzoor Jante Hain.

Umar Nay Tan Say Juda Kar Diya Tha Sar Jis Ka,
Woh Apna Hai Ke Paraya, Huzoor Jante Hain.

Nabi Ka Faisla Na Maan Kar Woh Jaan Say Gaya,
Mizaaj Umar Ka Hai Kaisa, Huzoor Jante Hain.

Wohi Hai Paikar E Sharm O Haiya O Zul Nuraian,
Maqaam Unki Haya Ka, Huzoor Jante Hain.

Hain Jiske Moula Huzoor Uske Hain Ali Moula,
Abu Turab Ka Rutba, Huzoor Jante Hain.

Yeh Khud Shaheed Hain, Betay Nawasay Potay Shaheed,
Ali Ki Shaan E Yagana, Huzoor Jante Hain.

Main Unki Baat Karoon Yeh Nahin Meri Auqaat,
Ke Shaan E Fatma Zahra, Huzoor Jante Hain.

Jina Mein Kaun Hain Sardaar Nojawanoon Kay,
Hasan, Hussain Ke Nana, Huzoor Jante Hain.

Malaika Ne Kiya Youn To Sajda Adam Ko,
Dar Asal Kis Ko Tha Sajda, Huzoor Jante Hain.

Kahan Marein Gay Abu Jahal O Utba O Sheiba,
Ke Jang E Badr Ka Naqsha, Huzoor Jante Hain.

Woh Kitna Fasla Tha, Aur Kalaam Tha Kaisa,
Aao Adna Aur Ma Aoha, Huzoor Jante Hain.

Milay Thay Rah Mein 9 Bar Kis Liye Musa,
Yeh Deed E Haq Ka Bahana, Huzoor Jante Hain.

Main Chup Khara Houn Mawaja Pay Sar Jhukaye Huye,
Sunaoon Kaise Fasana, Huzoor Jante Hain.

Chupa Rahe Hai Lagatar Mere Aiyboon Ko,
Main Kis Qadar Houn Kameena, Huzoor Jante Hain.

Khuda Hi Jaanay UBAID Unko Hai Pata Kiya Kiya,
Hamein Pata Hai Bus Itna, Huzoor Jante Hain.

Nahi Hai Zaad E Safar Pass Jin Ghulamoon Ke,
Unhein Bhi Dar Pe Bulana, Huzoor Jante Hain.

Haran Ne Oonth Ne Chiryoone Ki Yehi Faryaad,
Ke Unkay Gham Ka Madawa, Huzoor Jante Hain.

Teri Aata Say Khudaya, Huzoor Jaante Hain.

Nahi Hai Zaad E Safar Pass Jin Ghulamoon Ke,
Unhein Bhi Dar Pe Bulana, Huzoor Jante Hain.

Teri Aata Se Khudaya, Huzoor Jaante Hain.

Main Unki Baat Karoun Yeh Nahin Meri Auqaat,
Ke Shaan E Fatma Zahra, Huzoor Jante Hain.

Teri Aata Se Khudaya, Huzoor Jaante Hain.